

Deialdia honako oinarri hauen arabera arautuko da:

1. Deialdi honen xedea gaztetxoan artean idazteko zaletasuna bultzatzea da.

2. Partaideak Andoain, Aduna, Asteasu, Amasa-Villabona, Larraul eta Zizurkilgo gazteak izango dira.

3. Ipuin lehiaketara **10etik 17 urtera bitarteko edozein neska-mutilek aurkez dezake bere ipuina.**

Lanak egile bakarra izan behar du. Partaide bakoitzak lan bat edo gehiago aurkez dezake. Lanek originalak eta argitaratu gabeak izan behar dute. Baldintza hau ez betetzeak, zigorra ekar lezake: saria bueltatzea eta hurrengo deialdietan lehiaketa honetara aurkeztu ezin izatea.

4. Lehiaketa **lau mailatan** banatuko da:
A. maila : 10 / 11 urtekoena
B. maila : 12 / 13 urtekoena
C. maila : 14 / 15 urtekoena
D. maila : 16 / 17 urtekoena

5. **Gaia librea** izango da eta hizkuntza **euskara** izango da.

6. A. mailako lanek gutxienez 2000 eta gehienez 6000 karaktere izango dituzte eta B. C. eta D. mailako lanek, gutxienez 6000 eta gehienez 16000 karaktere izango dituzte. Kasu guztietan DIN A-4 neurrian aurkeztuko dira ordenagailuz idatzita. Lerroartekoa bikoitza izango da, justifikatua eta letraren tamaina 12koa.

7. Lan bakoitzaren **BOST** kopia entregatu beharko dira **urriaren 11an** goizeko **10:00etatik 13:00etara** Bastero Kulturguneko harreran.

8. Lanekin batera, **gutun-azal itxi bat** aurkeztuko da. Gutun-azalaren barnealdean lanaren egilearen izen-deiturak, helbidea, telefonoa eta adina jarriko dira. Gutun-azalaren kanpoaldean, berriz, **lanaren izenburu berbera eta egilearen adina soil-soilik.**

9. Era berean, lanarekin batera hirugarren oinarria betetzen dela egiaztatzen duen zinpeko aitortpena aurkeztuko da, hau da, ipuina argitaratu gabekoa dela eta beste lehiaketa edo sariketa batzuetan inolako saririk jaso ez duela egiaztatzen duen aitortpena. Zinpeko aitortpen hori gutun azalaren barruan sartuko da esandako datu pertsonalekin batera.

10. Sariak honakoak izango dira maila bakoitzerako:

A. maila : 1. SARIA: 100 euro + ipuin liburua
2. SARIA : 70 euro + ipuin liburua

B. maila : 1. SARIA :110 euro + ipuin liburua
2. SARIA : 80 euro + ipuin liburua

C. maila : 1. SARIA :250 euro + ipuin liburua
2. SARIA :150 euro + ipuin liburua

D. maila : 1. SARIA :250 euro + ipuin liburua
2. SARIA :150 euro + ipuin liburua

11. Epaimahai aditu batek erabakiko du lan sarituak zeintzuk diren. Andoaingo Udalak bere ordezkaria izango du epaimahaian eta idazkaria ere izendatuko du.

12. Sariak eman gabe utz daitezke aurkeztutako lanek Epaimahaiaren iritziz behar adinako kalitaterik ez badute.

13. Lan sarituak Udalaren esku geldituko dira, eta egoki iritziz gero argitaratu egingo ditu, baina ez da horregatik jabetza eskubiderik izango.

Horretarako, saritutako lanak formatu digitalean entregatu beharko dira saria jasotzen den egunean, bai CDan, USB batean... edo bestela emailez ere bidal daitezke **kultura1@andoain.eus** helbidera.

14. Parte-hartzaileek antolatzaileak salbuetsi egiten dituzte parte-hartzaileek egin lezaketan plagioagatik edo indarrean dagoen legediko beste edozein lege-urratzerengatik ondoriozta daitekeen edozein erantzukizunetatik.

15. Sarituak izan ez diren lanak azaroaren 13an eta 14an jaso ahal izango dira. Jasotzen ez diren lanak puskatu eta bota egingo dira.

16. Sari banaketa azaroan egingo da, aldezturik adieraziko den egunean eta orduan. Sarituei telefonoz jakinaraziko zaie sari banaketa noiz eta non egingo den.

17. Baldintza hauetan zalantzarik balego, hautaketa egiten duen epaimahaiaren iritzia izango da nagusi, horren erabakia apelaezina izango delarik.


18. Lehiaketa honetan parte hartzeak, baldintza hauek goitik behera onartzen direla adierazten du.

Andoain, 2017ko ekaina.
KULTURA BATZORDEA,

*Andoaingo Udalak,
Martin Ugalde
idazle andoaindarrak
ipuingintzan egindako ibilbideak
gaur egun ere jarraipena
izan dezan,*

*Andoain, Aduna,
Asteasu, Amasa-Villabona,
Larraul eta Zizurkilgo
gaztetxoan arteko*

*XXI. Ipuin
Lehiaketarako
deialdia egiten du.*



XXI. Martin Ugalde Ipuin lehiaketa